

SIPA i Tužilaštvo BiH provode akciju Čekić

MILETIĆ UHAPŠENA ZBOG PRIMANJA 100.000 KM MITA?

• **Privedeni su i Ramo Brkić i Senad Šabić, kojima je Miletić sudila u drugostepenom postupku** • **Donosila je odluke koje su mnogima zasmetale, smatra Adamović**

Pripadnici Agencije za istrage i zaštitu BiH (SIPA) uhapsili su u srijedu u večernjim satima sutkinju Apelacionog odjeljenja državnog Suda Azru Miletić (1953), nekadašnjeg komesara policije USK-a Ramu Brkića (1966) i Senada Šabića (1971), osumnjičene za krivična djela primanje i davanje dara i drugih oblika koristi, zloupotreba položaja ili ovlaštenja, kršenje zakona od sudije i krivično djelo pranje novca. Konkretno, sutkinja Miletić tereti se za primanje dara, zloupotrebu položaja ili ovlaštenja, kršenje zakona od sudije. Akcija hapšenja, kojom navodno rukovodi tužilac Džermin Pašić, izvedena je po nalogu Suda i Tužilaštva BiH, a tokom akcije pripadnici SIPA pretresli su četiri lokacije.

Advokati kao svjedoci

- Pretresi su obavljani u Sarajevu, Bihaću i Tuzli. Osumnjičeni će nakon ispitivanja u SIPA biti predati u nadležnost Tužilaštva BiH, koje će donijeti odluku o pokretanju prijedloga za određivanje mjere pritvora ili mjera zabrane. U ovom trenutku medijima i javnosti ne možemo dati više informacija, saopćila je jučer Kristina Jozić, portparolka SIPA, ističući da je akcija uslijedila nakon višemjesečne istrage. Prema nezvaničnim informacijama, sutkinja Miletić je primila 100.000 KM mita od osumnjičene dvojke. Vasvija Vidović, koja je najprije bila izabrani branilac uhapšene sutkinje, to-

kom jučerašnjeg dana pozvana je da bude saslušana u svojstvu svjedoka?!

- Baš nikakve veze nemam s tim predmetom, ovo je nevjerovatna stvar. Jučer (srijeda, na dan hapšenja, op.a) sam mogla biti advokat osumnjičene tokom pretresa, a već me sutradan zovu za svjedoka,

ističe Vidović, te dodaje da Miletiću poznaje kao jednog od najboljih pravnika.

- Za neke sudije i tužitelje sam čula razne priče, ali o njoj nikada, jasna je Vidović, ističući da je odbranu osumnjičene preuzela Edina Rešidović.

Miletić je, smatra advokat, neka-

Kreso: Nalazimo se na prekretnici

Predsjednica Suda BiH Meddžida Kreso ocijenila je na jučerašnjoj preskonferenciji da je slučaj hapšenja sutkinje Miletić "prilika i prekretnica koja bi trebalo da pokrene široku raspravu o problemu korupcije u pravosuđu". Upozorila je da je povjerenje u pravosuđe u cjelini poljuljano, te da je neophodno poduzeti korake kako bi se zaštitio integritet Suda BiH, kao i svih sudija čiji će rad zbog novonastale situacije biti pod lupom javnosti.

- Uvažavajući jedno od osnovnih pravila krivičnog postupka - presumpcije nevinnosti, ponavljam da ne želim ulaziti u pojedinosti konkretnog slučaja, jer će to biti predmet daljeg krivičnog postupka. Ovaj slučaj je izraz opredjeljenja i spremnosti sudija i osoblja Suda BiH za opću borbu protiv korupcije i organiziranog kriminala, od kojih pojava, nažalost, nije imuna nijedna institucija, profesija, niti društvo kao cjelina. Nema privilegijanih kada se radi o suzbijanju ovih pojava, a dosadašnji rad Suda BiH na tom planu ničim ne smije biti umanjen, niti doveden u pitanje, istakla je Kreso, te dodala da se povjerenje građana ne može vratiti podastiranjem statističkih podataka i izvještaja, kojima smo "zasuti" u zadnje vrijeme.



- To se može uraditi korjenitim reformama koje uključuju način izbora pravosudnih djelatnika, ocjenjivanje, praćenje rada nositelja pravosudnih funkcija, kao i transparentno prijavljivanje i provjeravanje njihove imovine, pa i samih članova VSTV-a BiH, koji nikome ne pokazuju svoje imovinske kartone, podsjeća Kreso.